



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 215. Arragonum Legati penes Galliæ oratores collocati.

[urn:nbn:de:hbz:466:1-66272](#)

quæ complecteretur Arragoniam, Ca- Sæcul. XV.
stellam, Navarram, omnesque posses- A.C.1416.
siones Regis Arragoniæ, ultra citraque
mare sitas. Cum vero Legati Lusitaniæ
jamjam quinta Junii Constantiam delati,
pro sua Natione idem postulassent, &
tamen repulsam tulissent, hinc quintam
Hispanorum Nationem erigi recusabant,
hanc prærogativam Regi suo injuriosam
esse arbitrati. Qua intercessione admis-
sa ad ulteriora procedebatur.

§. CCXV.

Arragonum Legatipenes Galliæ Ora- tores collocati.

Hucusque Legati Neapolitani locum *Vander Hardt.*
post Oratores Gallos proximum te-
nuerunt, advenientibus vero Castellæ
Legatis Neapolitani sedem suam his ce-
dere, ac post Nuncios Angliæ confidere
rogabantur. Acquieverunt illi pacis
tuendæ studio, ita tamen, ut nullum inde
eorum Regi præjudicium nasceretur.
Quam declarationem Synodus per De-
cretum ibi promulgatum confirmavit. Ita-
que Arragonenses Gallis adjuncti fuere.
Geronius Legationis Gallicæ caput, in
primo sedebat loco, post eum locabatur
Comes Cardonnæ Arragonensis, post-
modum Gallus, & denuo Arragonensis,
& sic de singulis. Mutua omnium erat
de-

Sæcul. XV. declaratio , quod alternum hunc ordinem , mere unionis servandæ gratia ,
A.C. 1416. admitterent , de cetero nullatenus per hoc quicquam suis juribus derogatum vellent , quæ eorum protestatio a Synodo admissa fuit .

§. CCXVI.

*Arragonenses Concilium convocant ,
& in eo sessionem habent.*

Quo facto Arragonenses Legati nomine universæ obedientiæ Benedicto addictæ Concilium convocant , lectaque fuit per Archiepiscopum Mediolanensem hæc convocatio & approbata a Synodo . Deinde iidem concilio se accedere declararunt , quibus synodus pariter consentiebat . Haec mutua unione confecta Cardinales , aliquique Prælati Pontificalia induerunt ornamenta , & Cardinalis Vivariensis locum Præsidis occupavit , omnibusque peractis de more solemnibus lecta fuere Decreta . Primo concedebatur Arragonensibus , peculiarem sub nomine nationis Hispanicæ , nationem constituendi facultas , hac tamen lege , ut Lusitaniæ , Castellæ , & Navarræ Reges eadem potirentur prærogativa , si eam petituri essent . Secundum Decretum præcipit executionem capitulationis Narbonnensis circa omnes & singulos articulos ; qui eodem tempo-

re